



Na osnovu člana 56. Zakona o organizaciji organa uprave u Federaciji BiH ("Službene novine Federacije BiH", broj: 35/05), člana 51. Zakona o izvršenju Budžeta Bosansko-podrinjskog kantona Goražde za 2024. godinu („Službene novine BPK Goražde“, broj: 16/23) i člana 6. Zakona o dopunskim pravima branilaca i članova njihovih porodica u Bosansko-podrinjskom kantonu Goražde („Sl. novine BPK Goražde“, broj: 9/13, 11/14, 15/19 i 5/22), a u skladu sa Programom utroška sredstava sa ekonomskog koda 614 200 «Tekući transferi pojedincima» na koji je Vlada Bosansko-podrinjskog kantona Goražde dala saglasnost Odlukom broj: 03-11-51/24 od 11.01.2024.godine, Ministarstvo za boračka pitanja Bosansko-podrinjskog kantona Goražde raspisuje:

JAVNI POZIV
za podnošenje zahtjeva za ostvarivanje određenih prava
branilaca i članova njihovih porodica u 2024.godini
utvrđenih Zakonom o dopunskim pravima branilaca i članova njihovih porodica
u Bosansko-podrinjskom kantonu Goražde

I PREDMET JAVNOG POZIVA

Predmet javnog poziva je finansiranje dopunskih prava branilaca i članova njihovih porodica utvrđenih Zakonom o dopunskim pravima branilaca i članova njihovih porodica u Bosansko-podrinjskom kantonu Goražde ("Službene novine BPK Goražde" broj: 9/13, 11/14, 15/19 i 5/22, u daljem tekstu: Zakon) u skladu sa Programom utroška sredstava u ukupnom iznosu od 1.607.000,00 KM sa ekonomskog koda Ministarstva za boračka pitanja Bosansko-podrinjskog kantona Goražde 614 200 – „Tekući transferi pojedincima“ za 2024.godinu (u daljem tekstu: Program) i to:

1. Zdravstvena zaštita;
2. Jednokratna novčana pomoć za liječenje branilaca i članova njihovih porodica;
3. Banjsko i klimatsko liječenje;
4. Naknada putnih troškova i troškova za liječenje u inozemstvu;
5. Participacija troškova za nabavku lijekova koji nisu na esencijalnoj listi;
6. Medicinsko vještačenje zdravstvenog stanja pripadnika b/p;
7. Pravo po osnovu preostale radne sposobnosti;
8. Pravo na participaciju troškova za priključak na infrastrukturne mreže (voda, električna energija i kanalizacija);
9. Naknada troškova (poreza) za promet nepokretnosti za djecu bez oba roditelja i RVI 100% I grupe;
10. Participacija troškova naknade za dodijeljeno građevinsko zemljište na korištenje i naknade za uređenje gradskog građevinskog zemljišta;
11. Smještaj u penzionerske domove i gerontološke centre;
12. Dodjela sredstava za povratak i održiv povratak;
13. Besplatna i povlaštena vožnja;
14. Participacija troškova dženaze-sahrane;
15. Podizanje nišana - nadgrobnih spomenika i spomen obilježja;
16. Jednokratna novčanu pomoć za socijalne potrebe branilaca i članova njihovih porodica;
17. Posebna prava dobitnika ratnih priznanja i odlikovanja;
18. Druga prava u skladu sa posebnim propisima i
19. Novčana egzistencijalna naknada.

Radi ostvarivanja ostalih prava branilaca i članova njihovih porodica utvrđenih Zakonom, nakon obezbjeđenja preduslova, raspisati će se posebni javni pozivi od strane Ministarstva za boračka pitanja Bosansko-podrinjskog kantona Goražde odnosno organa nadležnih za implementaciju pojedinih prava.

II PRAVO UČEŠĆA

Na javni poziv, zahtjeve mogu podnositi lica iz člana 1. i 2. Zakona i to: ratni vojni invalidi i članovi njihovih porodica, članovi porodica šehida, članovi porodica poginulih, umrlih i nestalih branioca, dobitnici ratnih priznanja i odlikovanja i članovi porodica poginulih, umrlih i nestalih dobitnika ratnog priznanja i odlikovanja, ratni vojni zarobljenici i demobilizirani branioci i članovi porodice umrlih demobiliziranih branilaca i mirmodopskih vojnih invalida sa područja Bosansko-podrinjskog kantona Goražde i susjednih opština u RS, koji ispunjavaju uslove propisane Zakonom.

III PODNOŠENJE ZAHTJEVA

Za priznavanje i ostvarivanje prava navedenih u poglavlju I javnog poziva pod rednim brojem: 1, 3, 4, 6, 7, 10, 13, 14. i 19. **zahtjevi se podnose gradskoj/općinskoj službi za boračko-invalidsku zaštitu** prema mjestu prebivališta podnosioca zahtjeva. Obrasci zahtjeva za ostvarivanje ovih prava mogu se preuzeti u prostorijama gradske/općinskih službi za boračko invalidsku zaštitu.

Za priznavanje i ostvarivanje prava navedenih u poglavlju I javnog poziva pod rednim brojem: 2, 5, 8, 9, 11, 12, 15, 16, 17. i 18. **zahtjevi se se podnose Ministarstvu za boračka pitanja Bosansko-podrinjskog kantona Goražde** putem pošte na adresu Prve slavne višegradske brigade broj 2a, 73000 Goražde, ili direktno predaju na pisarnicu Kantona tokom radnih dana u periodu od 08⁰⁰ - 16⁰⁰ sati. Obrasci zahtjeva za ostvarivanje ovih prava mogu se preuzeti na službenoj web stranici ili u prostorijama Ministarstva za boračka pitanja Bosansko-podrinjskog kantona Goražde.

IV ROK ZA PODNOŠENJE ZAHTJEVA

Zahtjevi za priznavanje i ostvarivanje prava navedenih u poglavlju I javnog poziva, **podnose se kontinuirano tokom godine, odnosno do utroška raspoloživih sredstava utvrđenih Programom.**

V USLOVI I NAČIN OSTVARIVANJA PRAVA

Uslovi, način i postupak ostvarivanja prava navedenih u u poglavlju I javnog poziva utvrđeni su odredbama Zakona o dopunskim pravima branilaca i članova njihovih porodica u Bosansko-podrinjskom kantonu Goražde i podzakonskim aktima donesenim, uz saglasnost Vlade Bosansko-podrinjskog kantona Goražde, od strane Ministra za boračka pitanja. Isti se mogu preuzeti na web stranici Ministarstva.

Broj: 11-11-52/24
Goražde, 15.01.2024.godine

